



## partii naleraq

UPA2016/82

20. april 2016

**Inatsisartut aalajangiiffigisassaattut siunnersuutigineqarpoq Naalakkersuisut peqquneqassasut Peqqinnissaqarfiup aqunneqarnera, aaqqissuussaana kiisalu peqqinnissamut tunngasutigut sullissisut aamma tarnip pissusaanik ilisimasallit pillugit Inatsisartut inatsisaat nr. 27, 18. November 2010-meersup § 3, imm. 2 naapertorlugu kingusinnerpaamik 2017-imi, Naalakkersuisut tarnip pissusaanik ilisimasallit peqqinnissaqarfiup iluani, pisortat oqartussaasuini allani namminersortunilu ilinniakkaminnut tunngasuitgut silinerat pillugu malittarisassanik erseqqinnerusunik aalajangersaanissaat.**

(Inatsisartunut ilaasortaq Steen Lyngge, Atassut)

Ukiuni kingullerni inuiaqatigiit iluanni pisut uppernarsisippaat arlaatigut inuiaqatigiit iluanni iliuuseqartariaqaliivissugut, taannalu angutserlugu aamma immikkut tarnit pissusaanik ilisimasalinnut atatillugu iliuuseqartariaqartugut, taama aallartillugu Steen Lyngge Atassummeersup aalajangiiffigisassatut siunnersuutaa Partii Naleqqamiit oqaaseqarfigissavarput.

Steen Lyngep uani siunnersuummini ujartugaata qaavatigut isumaqarluinnarpugut piumasqaatit allat pingaaruteqarluinnartut aamma ilanngullugit nunatsinni tarnip pissusaanik immikkut ilinniagallit – psykoplogit, aalajangersaaffigisariaqarpagut.

Taakkumi katsorsaanermi katsorsartarpaat inuup kinaassusaa toqqammavigalugu, taamaattumik una maani sulilinnginneranni, avaqqunneqarsinnaanngitsumik toqqammavissatut piumasqaataasariaqarpoq:

“Kulturikkut kinaassuseq, tassaavoq kinaassutsip allanngorarfia inuinnit eqimattanit avitseqatigiiffiusoq, ataatsimoorfiusoq, inunnullu ataasiakkaanut pingaartinneqartutut inissisimasoq. Kulturikkut kinaassuseq inuiattut kinaassutsimut assiguvuq, inuillu akornanni aaqqissuuseriaatsit tunngaviusut assigalugit naliginnaasutut naatsorsuutigineqartarluni, soorluli suaassuseq kiisalu inuttut qanoq inissisimaneq eqqarsaatigalugu. Kulturikkut kinaassuseq aamma kinaassutsit allanngorarfiit ataatsikkut imarisinnaavai soorlu inuiaqatigiissuseq, nunap immikkortortaaneerseq, kulturip immikkoortortaaneerseq, assigiinngissuseq, upperisatigut inissisimaneq kiisalu inuttut kinaassuseq. **Inuttut kinaassuseq Kulturikkut kinaassutsimiik immikkoortikkuminaappoq,**

tassanilu pissutaavoq inuit akornanni atassuteqaqatigiinnermit pinngorami, inuillu akunnerminni kinaassusaat inunnut ataasiakkaat kinaassusaannut aamma ilaagami. Kulturikkut kinaassutsimik aaliangersimasumik piginnittutut imminut oqariartuutigissagaanni, taava aamma eqimattanuinnaq ilaanerunngilaq, peqataasutut misigissutsikkullu nassuerneq pingaaruteqarluinnartutut tassani inissisimapput. Kulturimi allanngorarfiit soorlu oqaatsit, angerlarsimaffik, atisat ileqqullu inuup ataatsip kinaassusaanut allaanerussutaanillu nalunaarsuinermi ilisarnaatitut atorneqartarput.”

Siunnersuuteqartummi, inuk katsorsagassaq qitiutillugu, katsorsaannermi eqqortumik katsorsaasoqarnissaa paasinarpoq, taamaattumik aamma pingaaruteqarluinnarpoq qulaani erseqqissarneqartutut kulturikkut kinaassusitta ilisimaqqissaarnissaa aatsaat qulakkeeqqaarlugu sulisarnissaat. Nunatsinninngaaneersuunngittummi psykologit, ilaat tikiinnaavillutik katsorsaallutik aallartittarput, tupinnaannartumillu aamma ilisimatusarnerminni atortarlugu. Pissutsit tamakku ernumanarluinnarmata, killormut ajornerulersitsinissamilluunniit kinguneqarsinnaammata, tamanna partii naleqqamiit ersarissumik eqqaamaqqarput piunasaqartalernissamullu ilanngullugu piunasaqataatinngornissaa anguneqartariaqarpoq.

Tamakku pingaaruteqarluinnartut ilassutigitillugit siunnersuummut uunga tapersiinerput oqaaseqarfigaarput, aappassaaneerneqannginnerminilu inatsiseqarnermut ataatsimiititaliamut sukumiisumik suliarineqarnissaa innersuussutigalugu.

Qujanaq